



## VIM LI CAS QHOV NO THIAJ TSEEM CEEB

Kev haus luam yeeb hluav taws xob txhais tau tias yog kev haus cov pa dej tshuaj dhau ntawm cov pa ncho kom tau txais qeeb yam kob tshuaj - uas feem ntau lawm yog tshuaj xas los sis nis qhaus tis. Tej zaum cov me nyuam yaus yuav sim haus luam yeeb hluav taws xob vim lawv xav paub xav pom thiab xav sim, los sis vim lawv muaj kev chim siab thiab tsis paub tias yuav daws li cas thiaj zoo. Tab sis cov tub ntXHais hluas muaj kev pheej hmoo uas yuav quav tshuaj muaj yees tshwj xeeb, vim lawv lub hlwb tseem tab tom loj hlob thiab cov luam yeeb hluav taws xob ntawd nws muaj cov kob tshuaj uas muaj zog heev nyob rau hauv. Kev haus luam yeeb hluav taws xob tuaj yeem ua rau muaj kev ntXHov siab, kev nyuaj siab, thiab kev pw tsaug zog tsis zoo, thiab cov tib neeg uas siv kob tshuaj rau fab tsis zoo - uas suav nrog tshuaj xas thiab luam yeeb - muaj kev pheej hmoov tua tus kheej siab zog.


## YAM UAS KEV TSHAWB NRHIAV HAI S LOS

Vim cov tub ntXHais hluas lub hlwb tab tom muaj kev loj hlob, nws thiaj li muaj kev pheej hmoo tshwj xeeb uas yuav quav yeeb tshuaj. Kev tshawb nrhiav qhia pom tias ze li 90% ntawm cov neeg laus uas niaj hnub no haus luam yeeb yog tau pib haus thaum ua ntej lawv muaj hnub nyog muaj 18 lawm.<sup>1</sup> Qhov ntawd yog, kev quav yeeb tshuaj nyiam pib thaum ncuu hnub nyog yog tub ntXHais hluas.<sup>2</sup>

Luam yeeb hluav taws xob muaj kob tshuaj uas muaj zog heev thiab siv lab npauv xa kob tshuaj uas ceev ua rau cov hlwb uas tab tom loj hlob quav yeeb tshuaj tau ceev tshaj li luam yeeb raws li ib txwm.<sup>3</sup> Thaum uas lub cev nqus cov nis qhaus tis nkag mus, nws yuav mus ncaj nraim rau ntawm lub hlwb. Qhov kev kawm tshawb fawb kawg nkaus no pom tias qhov muaj zog ntawm nis qhaus tis nce li 294% ncuu sij hawm xyoo 2017 txog xyoo 2022.<sup>4</sup> Ib tus luam yeeb hluav taws xob tuaj yeem muaj nis qhaus tis ntau li luam yeeb 25 pob.<sup>5</sup>

Dhau li no lawm, feem pua ntawm THC, kob tshuaj uas muaj feem cuam tshuam tsis zoo rau fab siab ntsws nyob rau hauv tshuaj xas, tau nce siab heev. Nyob rau hauv cov tshuaj xas uas ywv tau thiab tau ntsuas los ntawm DEA, pom tias daw tshaj li ob npaug nyob rau ncuu sij hawm xyoo 2002 (7.2%) txog xyoo 2022 (16.1%).<sup>6</sup> Qhov ntau ntawm cov THC nyob rau hauv cov luam yeeb uas thaum i cov niam txiv niaj hnub tam sim no haus muaj thaj tsam li 4%, tab sis tam sim no, cov luam yeeb hluav taws xob muaj THC li 90%.<sup>7</sup> Qhov muaj cov kob tshuaj daw heev muaj feem tsim ua rau muaj kev ntXHov siab thiab hnob tau tias tsis ntseeg lwm tus ntau ntXiv.

**QHOV DAW NTAWM TSHUAJ XAS (THC%)  
HAUV COV QAU V KU AJ UAS YWV TAU LOS NTAWM DEA**



Yuav luag txhua hom luam yeeb hluav taws xob muaj qhov qab uas ua rau tib neeg xis,<sup>8</sup> thiab yuav luag txhua leej tub ntXHais hluas uas haus luam yeeb hluav taws xob siv cov luam yeeb uas muaj qhov qab zoo li txiv hmab txiv ntoo, khob noom npuav, thiab txuj lom, uas cov kws paub tshwj xeeb hais tias yog qhov tshawb ua kom cov tub ntXHais hluas xav sim haus luam yeeb hluav taws xob.<sup>9</sup> Kev tshawb nrhiav pom tias cov kev txwv nrui rau cov luaj yeeb uas qab yuav ua rau tau txais txiaj ntsig zoo zog rau cov me nyuam yaus.<sup>10</sup>

## PAUB txog COV KHOOM LAG LUAM!


**Cov luam yeeb hluav taws xob tshia b — uas tau tawm qauv los kom zais tau yooj yim, nyiam siv, thiab yooj yim siv — muaj muag nyob rau hauv kiab khw yam tsis tu ncuu, uas suav nrog cov cuab yeej uas zoo thoaj li cov xov tooj thiab cuab yeej tua nkes.<sup>14</sup>**

**Cov Luam Yeeb Hluas Taws Xob:** Cov cuab yeej haus luam yeeb es lev taus niv muaj ntau hom thiab qhov loj me sib txawv, uas feem ntau lawm tawm qauv los zoo li cov khoom siv txhua hnub xws li cov cwj mem, cov tshuaj pleev di ncauj, los sis cov USB uas muaj cov raj tuaj yeem rov qab ntim tau.

**Cov Luam Yeeb Hluav Taws Xob Dis Cis Tauj:** Cov luam yeeb hluav taws xob uas hu ua “Smart Vapes” yog cov khoom lag luam uas tuaj yeem siv tau Bluetooth uas ua rau tus luam yeeb hluav taws xob tuaj yeem ua tau zoo li lub xov tooj: lub nab cos dis cis tauj muaj cov kev hu xov tooj, sau ntawv, cov kev ceeb toom xaus saus mis dias thiab cov nkes uas tau teeb ua ntej.<sup>15</sup>

**Cov Hnab Tshuaj:** Txawm tias tsis yog txog hau kev haus luam yeeb hluav taws xob los, cov hnab tshuaj nis qhaus tis uas noj ntawm ncauj (tuaj yeem yaj tau) yeej muaj kev phom sij ib yam nkaus. Cov hnab tshuaj uas muaj kev siv ntau tshaj plaws nyob rau cov xyoo tsis ntev dhau los no.

Kawm paub ntXiv txog ntau yam khoom lag luam nyob rau hauv nplooj vev xaib [Luam Yeeb Tab Tom Muaj Kev Hloov Pauv](#).



Khes Div: [Luam Yeeb Tab Tom Muaj Kev Hloov Pauv](#)

# KEV HAUS LUAM YEEB HLUAV TAWS XOB THIAB KEV NOJ QAB HAUS HUV NTAWM TUB NTXHAIS HLUAS

## MUAJ DAB TSI TAB TOM TSHWM SIM HAUW WI?

- Ib feem peb ntawm cov tub ntshais kawm ntawm tsev kawm ntawv qib siab ntawm Wisconsin (34%) **tau sim haus luam yeeb hluav taws xob**, thiab cov neeg uas **haus luam yeeb hluav taws xob nyob rau niaj hnub tam sim no** muaj ntau tshaj li ob npaug.<sup>11</sup>
- Raws li kev soj ntsum cov tub ntshais hluas, cov feem xyuam tseem ceeb uas ua rau cov me nyuam yaus haus luam yeeb hluav taws xob yog lawv hnob tau tias **ntxhov siab, chim siab, los sis nyuaj siab**.<sup>12</sup>
- Nyob rau hauv cov tub ntshais hluas ntawm Wisconsin uas haus luam yeeb hluav taws xob, **84% xav txiav luam yeeb los sis tau sim txiav luam yeeb**.<sup>13</sup>
- Wisconsin DHS muab nyiaj pab rau [ntau lub khoos kas txiav luam yeeb rau tub ntshais hluav](#).



## YAM UAS PEB TUAJ YEEM UA TAU

### COV NIAM TXIV THIAB COV NEEG SAIB XYUAS

- Paub txog [lub hauv paus](#) ntawm cov tub ntshais hluas uas haus luam yeeb hluav taws xob. Ua tib zoo xav los koom nrog qhov [kev cob ghia hauv vis dis aus raws li xav tau yam tsis xam nqi](#) rau cov niam txiv.
- Sib tham nrog cov me nyuam yaus yam uas qhib siab lug hais txog kev haus luam yeeb hluav taws xob thiab [cov kev pheej hmoo rau lawv li kev noj qab haus huv fab siab ntsws thiab fab lub cev ntaj ntsug](#). Tsom rau cov kev sib tham luv - luv tab sis tham heev - heev.
- Nkag mus siv [cov lus ghia sib tham](#) nrog cov me nyuam yaus thiab [phau ntawv ghia kev sib tham txog kev haus luam yeeb hluav taws xob](#). Sib tham txog cov hau kev uas yooj yim los [txo kev haus luam yeeb hluav taws xob](#).
- Paub txog [cov cim ghia](#). Feem ntau lawm kev haus luam yeeb hluav taws xob yuav ntsiag to thiab tsis muaj ntshais tsw, uas ua rau cov tub ntshais hluas tuaj yeem haus luam yeeb hluav taws xob tau yam uas lwm tus tsis paub.

### COV TSEV KAWM NTAWV

- Muab kev kawm rau [cov neeg ua hauj lwm thiab cov tub ntshais kawm](#) hais txog kev haus luam yeeb hluav taws xob; kev nkag mus siv [xuv cuab yeej](#); tsom kwm rau [kev tiv thaiv](#); thiab qhov sib txawv ncuu ntawm luam yeeb fab kev lag luam thiab luam yeeb dawb huv uas siv Wisconsin cov chaw muaj ntau ntawv [FACT](#).
- Ghia kev tswj kev chim siab thiab muab sij hawm rau cov tub ntshais kawm los xyuam cov kev txawj daws teeb meem uas zoo rau kev noj qab haus huv.
- Pib nrog rau cov tub ntshais hluas lub suab los ntawm kev faib tawm [cov dab neeg txog kev haus luam yeeb hluav taws xob](#) los ntawm cov tub ntshais hluas hauv Wisconsin.
- Uas tib zoo xav los koom nrog [Lub Khoos Kas Cov Tsev Kawm Ntawv Uas Tsis Haus Luam Yeeb Hluav Taws Xob](#).
- Txhawb nqa cov tub ntshais kawm kom txiav luam yeeb hluav taws xob thiab tsim kho cov kev txawj daws teeb meem uas zoo rau kev noj qab haus huv [dau ntawm kev rau txim](#) rau lawv.

### COV ZEJ ZOG

- Tsim cov chaw thiab cov koom txoos uas tsis haus luam yeeb, rau sab hauv tsev thiab sab nraum zoov tib si.
- [Muab kev kawm rau](#) lub [zej zog](#) hais txog cov kev pheej hmoo [ntawm cov tub ntshais hluas uas haus luam yeeb](#).

- Faib tawm cov chaw muaj ntau ntawv rau tub ntshais hluas tshwj xeeb hais txog kev txiav luam yeeb xws li [Live Vape Free](#).
- Suav tub ntshais hluas cov kev tawm suab nrog rau hauv cov kev ua tib zoo tiv thaiv thiab kev sib tham txog txoj cai.
- Siv cov kev cai lij choj hais txog kev cais cheeb tsam thiab ntsuam xyuas cov khw txhwm muag khoom txawm rau txo kev nkag mus siv tau ntawm cov neeg uas muaj hnub nyoog qis dua 21 xyoos.

### COV KWS MUAB KEV PAB CUAM

- Ua kev nkag siab txog [xwm txheej kev haus luam yeeb hluav taws xob](#); nkag mus siv [AAP Xuv Cuab Yeeb Hais Txog Kev Haus Luam Yeeb Hluav Taws Xob](#).
- Piav ghia txog feem cuam tshuam tsis zoo ntawm kev haus luam yeeb hluav taws xob uas muaj rau kev loj hlob ntawm lub hlwb thiab kev noj qab haus huv ntawm tub ntshais hluas. Piav ghia txog [lub voj voom kev chim siab](#) thiab seb cov tsos mob ntawm kev thum luam yeeb tuaj yeem ua rau muaj kev chim siab thiab ntshov siab tsis zoo li cas.
- Piav ghia cov txiaj ntsig rau kev noj qab haus huv fab lub cev ntaj ntsug thiab fab siab ntsws ntawm kev txiav luam yeeb: 90% ntawm cov tub ntshais hluas uas txiav luam yeem hluav taws xob tshaj tawm tias tsis muaj kev chim siab, kev ntshov siab, thiab kev nyuam siab.<sup>16</sup>
- Muab cov chaw muab ntau ntawv rau cov tub ntshais hluas tshwj xeeb [yam tsis xam nqi](#) xws li [cov kev pab cuam sau ntawv](#) los sis [cov kev pab cuam raws xov tooj](#) los pab [cov me nyuam yaus txiav luam yeeb](#).
- Nkag mus siv [cov chaw muaj ntau ntawv](#) hais txog kev tiv thaiv, kev tso tseg, txoj cai, thiab kev pov thaiv cov tub ntshais hluas tsis pub haus luam yeeb thiab nis qhaus tis.

### COV NEEG TSIM CAI

- Nce [se rau cov luam yeeb hluav taws xob](#), uas suav nrog cov kua luam yeeb hluav taws xob. Sau se raws li tus nqi, tsis yog qhov hnayv, los txo kev siv ntawm cov tub ntshais hluas.
- Suav nrog cov luam yeeb es lev taus niv thiab tshuaj xas rau hauv Wisconsin cov cai huab cua tsis muaj pa luam yeeb.
- Nce hnub nyoog kev muag qib qis rau luam yeeb thiab luam yeeb hluav taws xob ntawm Wisconsin mus ua 21 los txo kev nkag mus yuav tau ntawm cov tub ntshais hluas.
- Yuam kom siv cov kev txwv hais txog qhov qab zoo li txiv hmas txiv ntoo, khob noom npuav, thiab pum hub txoom, uas [siv tau zoo los txo kev haus luam yeeb hluav taws xob ntawm cov tub ntshais hluas](#).

Cov chaw muaj ntau ntawv los:

1. [Teb Chaws Mes Kas Lub Chaw Tswj Khoom Noj thiab Yeeb Tshuaj Cov Tub Ntxhais Hluas thiab Luam Yeeb](https://www.fda.gov/tobacco-products/public-health-education/youth-and-tobacco-reference), 2024. <https://www.fda.gov/tobacco-products/public-health-education/youth-and-tobacco-reference>.
2. [Teb Chaws Mes Kas Lub Tuam Tsev Hauj Lwm Ntsig Txog Cov Kev Pab Cuam Kev Noj Qab Haus Huv thiab Tib Neeg](#). Lub Chaw Ua Hauj Lwm Txog Kev Haus Luam Yeeb thiab Kev Noj Qab Haus Huv, 2014. [Cov Tshwm Sim Tawm Los Ntawm Kev Haus Luam Yeeb Rau Kev Noj Qab Haus Huv - Kev Nce Qib Nyob Rau 50 Lub Xyoo](#).
3. [Masonbrink, thiab lwm tus. Qhov Muaj Feem Haus Luam Yeeb Hluav Taws Xob Uas Muaj Nis Qhaus Tis Tshuab Hnub thiab Cov Kev Ua Tib Zoo Txiav Luam Yeeb Tis Tau hauv Cov Tub Ntxhais Hluas](#). JAMA Network Open, 2025. doi:10.1001/jamanetworkopen.2025.41061.
4. [Diaz thiab lwm tus. Kev Tswj Luam Yeeb, 2025. Loj dua, muaj zog dua thiab pheej yig dua: kev loj hlob ntawm kiab khw luam yeeb es lev taus niv uas tsis los ntawm cov cuab yeej uas siv tas pov tseg uas muaj cov kua tshuaj es lev taus niv ntau ntawv, qhov daw ntawm nis qhaus tis siab zog thiab kev txo tus nqi qis](#). doi: 10.1136/ftc-2023-058033.
5. [Campaign for Tobacco-Free Kids. Kev Tshawb Fawb Txog Tsev Naus Laos Yis Uas Tsim Ua Rau Quav Yeeb Tshuaj: "Luam Yeeb Hluav Taws Xob Smart Vapes"](#), 2026.
6. [Lub Chaw Kawm Txog Kev Siv Yeeb Tshuaj Rau Fab Tsis Zoo Hauv Tib Chaws. Cov Ntau Ntawv Txog Qhov Daw Ntawm Tshuaj Xas](#), 2024.
7. [Anne Arundel Khauj Tim Lub Tuam Tsev Hauj Lwm Ntsig Txog Kev Noj Qab Haus Huv Kev Haus Luam Yeeb Hluav Taws Xob: Txais Cov Ntau Ntawv Txog Qhov Tseeb. Pov Thiab Koj Lub Neej Yav Tom Ntej](#). <https://www.aahhealth.org/dontvape>
8. [CDC Foundation. Xaus Lus Cov Ntau Ntawv: Qhov Qab Ntawm Cov Luam Yeeb Es Lev Taus Niv](#), 2026.
9. [Teb Chaws Mes Kas Lub Chaw Tswj Khoom Noj thiab Yeeb Tshuaj Kev Soj Ntsuam Luam Yeeb Ntawm Cov Tub Ntxhais Hluas Hauv Tib Chaws](#), 2024.
10. [Seaman Jones thiab lwm tus. Cov cai txog qhov qab uas coj nruj zog, cov tshwm sim tawm los uas zoo zog rau cov hluas. Ntawv Xov Xwm Txog Ntawm Cov Ntau Ntawm Lub Chaw Kho Mob Khees Xaws Hauv Tib Chaws](#), 2025 doi: 10.1093/ncimnographs/igaf019.

<sup>11</sup> Kev Soj Ntsuam Kev Coj Cwj Pwm Uas Muaj Kev Pheej Hmoo Ntawm Tub Ntxhais Hluas Ntawm Wisconsin, 2023.

<sup>12</sup> Williams thiab lwm tus. [Cov Tub Ntxhais Hluas Ntawm Wisconsin Cov Kev Xam Pom. Cov Kev Ntseeg. Cov Kev Txhawb Zog, thiab Cov Kev Coj Cwm Pwm Uas Cuam Tshuam Rau Kev Siv thiab Kev Tso Tseg Luam Yeeb Es Lev Taus Niv](#). Ntawv Xov Xwm Fab Kev Kho Mob Ntawm Wisconsin, 2025. Dhau li no lawm thov saib Wisconsin Lub Chaw Hauj Lwm Txog Cov Tsev Kawm Ntawv Kev Nyab Xeeb thiab Kev Noj Qab Haus Huv [Cov Pab Pawg Tsom Kwm Rau Kev Haus Luam Yeeb Hluas Taws Xob Nyob Rau Hauv Cov Tsev Kawm Ntawv Xyoo 2024](#).

<sup>13</sup> Williams thiab Kaye. [Cov Hau Kev Tso Tseg Kev Haus Luam Yeeb Hluav Taws Xob Uas Cov Tub Ntxhais Hluas Tau Siv](#). JAMA Pediatrics, 2025. doi:10.1001/jamapediatrics.2025.1974

<sup>14</sup> Nyob rau Lub Tsis Hlis Ntuj Xyoo 2026, [Wisconsin Policy Forum](#) tau tshaj tawm tias muaj cov cuab yeej haus luam yeeb hluav taws xob ntau tshaj li 340 lub nyob rau hauv xeev phau ntawv teev npe cuab yeej haus luam yeeb es lev taus niv uas tau teeb tseg.

<sup>15</sup> Campaign for Tobacco-Free Kids. [Kev Tshawb Fawb Txog Tsev Naus Laos Yis Uas Tsim Ua Rau Quav Yeeb Tshuaj: "Luam Yeeb Hluav Taws Xob Smart Vapes"](#), 2026.

<sup>16</sup> Truth Initiative. [Cov Xwm Txheej Kub Ntxhov Uas Tab Tom Tshwm Sim: Tub Ntxhais Hluas Li Kev Noj Qab Haus Huv Fab Siab Ntsws thiab Kev Siv Nis Qhaus Tis](#), 2021.



WISCONSIN OFFICE OF  
**Children's  
Mental Health**

children.wi.gov